

四庫全書

經部

欽定四庫全書

經部

周易章句證異卷二

詳校官給事中臣丁雲錦

通政使副使臣莫嶠萊覆勘

總校官進士臣朱鈺

校對官編修臣李學錦

謄錄監生臣殷文魁

欽定四庫全書

周易章句證異卷二

內閣中書翟均廉撰

下經

邵子百原易

本邵博聞見後錄

晁說之古易合卦爻為一篇

不分上下經

呂祖謙及王應麟謂說之言後人妄有

上經之辨取王昭素序卦有離者麗

也麗必有所感故受之以咸戒者感也凡十四字為證謹案晁公武謂說之依田何本分上下為二經與

說之自

序異

三三 艮下 兑上

咸亨利貞取女吉

鄭玄王肅亨利貞

句三德也 毛奇齡查慎行同 王弼諸儒亨句

利貞句

取陸德明曰亦作娶晁說之曰取七遇反

初六咸其拇

拇子夏傳作跗

今本如字

俞琰曰當作跗荀爽虞翻作母

荀云母陰尊之位 虞云足大指也

李鼎祚晁說之惠棟從母

晁云母古文荀

謂陰尊之位則失 毛奇齡曰子夏荀爽誤

鄭玄薛虞如字

陸時位曰咸字讀句諸爻同例艮爻亦然

云感以其拇也

六二咸其腓凶居吉

腓荀爽作肥

云五也尊盛故稱肥廉案晁說之曰腓肥同音毛奇齡云肥誤鄭玄王

虞如字

鄭云腓腸也王云腓腸也程子云脚肚

九三咸其股執其隨徃吝

九四貞吉悔亡憧憧徃來朋從爾思

憧京房作憧

字林云憧遲也丈豕反

馬融王肅虞翻劉表徐邈

如字

馬云行貌王云徃來不絕貌虞云懷思慮也劉云意未定也

九五咸其脢元悔

脢許慎作脢

云背肉莫杯切

晁說之曰或作𦞑作𦞒作𦞓子

夏馬融鄭玄虞翻王肅王弼如字

子夏馬鄭虞王肅皆以脢為背肉陸

德明陸震劉牧程子朱震朱子諸儒俱從之王弼云心之上口之下孔穎達郭忠孝陸佃張浚項安世俞琰惠棟查慎行同項云查許國氏學于陸佃謂即喉中之梅核三思臺是也黃震謂當兩說相參謹案周易述義云脊肉也王肅音灰陸德明武杯反又音每

上六咸其輔頰舌

輔虞翻作𦞑

云耳目之間稱𦞑頰按李鼎祚引虞如字

晁說之曰𦞑今文

輔字馬融如字

頰孟喜作俠

毛奇齡曰俠古通字

晁說之曰

古文作夾

項安世俞琰咸其輔

句頰舌

句虞翻王

弼咸其輔頰舌

句



巽下震上

恒亨无咎利貞利有攸往

初六浚恒貞凶无攸利

鄭玄作濬恒晁說之曰濬古文浚篆文

皆深也

虞翻如

字魚棟從濬

云與濬通

九二悔亡

九三不恒其德或承之羞貞吝

鄭玄作咸承之羞

毛奇齡曰鄭非

論語禮記緇衣篇引易及

荀爽本如字

九四田无禽

六五恒其德貞婦人吉夫子凶

禮記緇衣篇引作恒其德貞

鄭氏注云貞問也婦人從人者也以問正為常

德則

吉

上六振恒凶

振許慎作榦

云榦柱砥
辛移切

虞翻張璠作震

虞云在震
上故震恒

李

鼎柞從震陸希聲作寘

晁說之曰不
知陸所據

惠棟作震

云古
文震

振祇三字同物同音祇有
耆音故說文引易作榦也

馬融諸儒如字

毛奇齡曰
許虞張誤



艮下
乾上

遯亨小利貞

遯陸德明曰又作遂作遁

晁說之曰遯篆文或作遂
遁亦篆文遁也不與遯通

歸藏作遂惠棟從遂

小鄭玄諸儒俱訓大小之小

朱子訓小人之小

毛璞胡炳文諸子相張振淵從之

陸希聲大小小

人兼訓

云小人亦不以大事王申子亦云當義兼從

謹案

周易述義從

小人之小

初九遯尾厲勿用有攸往

六二執之用黃牛之革莫之勝說

說虞翻王弼徐邈讀解說

音脫之說臨沈該朱子鄭剛

中鄭汝諧王宗傳俞琰王申子胡炳文吳澄熊朋來諸儒同徐邈吐活反又始銳反廉按毛奇齡謂莫之

勝說猶言不勝其脫王肅九師如字程子作言說之說郭雍趙汝楫黃

震楊時作說音悅樂之說讀莫之勝句說句言所執固矣外物莫

能勝也雷思亦音悅讀莫之勝說句言樂道忘憂不勝其說廉按李

簡從雷說云因漸九五而誤俞琰云勝羨文謹案周易述義從

脫

九三係遯有疾厲畜臣妾吉

係陸德明曰本或作繫晁說之曰古文作系毛奇齡曰繫條

通字

九四好遯君子吉小人否

好陸德明讀情好好之好

呼報反程子朱震趙彥肅朱子呂祖謙馮椅徐氏李簡俞

琰王申子胡炳文同

陸希聲讀和好之好

如字項安世王宗傳吳澄梁寅查慎行

同張載郭雍楊時讀美好之好

如字倪元璐同謹案周易折中

周易述義如字言不為忿戾之行

否鄭玄王弼陸德明讀否泰之

否

備鄙反侯果蘇軾張浚王宗傳吳澄惠棟同

徐邈讀可否之否

方有反郭雍

楊時朱震張浚沈該呂祖謙朱子趙汝楙胡炳文李簡王申子梁寅查慎行同

胡一桂云兩

音俱通謹案

周易折中

周易述義讀若泰否之

否

九五嘉遯貞吉

上九肥遯无不利

肥九師作飛

見道訓

李善吕向注文選引作飛

張平子思玄賦

肥九師作飛

欲飛遯以保名曹植七啓飛遯離俗李吕注皆引作飛遯无不利

陸希聲作飛

晁說之曰

不知陸所據毛奇齡曰按文選則唐以前原有易本作飛遯者晁以道輩作偽古易反不及之又按焦竑引金陵攝山碑云緬懷飛遯楊慎曰古肥作琶故因琶誤蜚因蜚誤飛則古文琶字反不可考恐是臆說

子夏傳虞翻作肥



乾下
震上

大壯利貞

初九壯于趾征凶有孚

九二貞吉

九三小人用壯君子用罔貞厲羝羊觸藩羸其角

罔虞翻王弼讀罔羅之罔

言君子用之以為羅已也
陸德明孔穎達蘇軾呂

大臨沈該惠棟同呂云
罔謂羅制其奔軼也

京房以不用訓用罔

言君子不用壯

也 劉牧石介胡旦胡瑗張載郭雍朱震范氏項安
世熊良輔俞琰查慎行同石云君子則否郭云君子
罔以壯為用也先儒訓罔羅失之矣項
云詩書中罔字與弗字勿字毋字通用

馬融王肅以

元訓罔程子朱子亦訓无

言罔无也視有如无也
呂祖謙王宗傳趙汝楨王

申子胡炳文
吳澄梁寅同

楊時讀罔人之罔陸希聲罔讀為罔以

正制斷而
處重剛

謹案 周易折中 周易述義從京說

羸鄭玄虞翻作累

楊萬里俞琰曰羸與累
通惠棟云羸讀為累

王肅作縲

音

螺蜀才作累

晁說之曰古文作累毛奇
齡曰縲縲累皆作累解

馮融荀爽徐

邈如字

馬云大索也孔穎達侯果皆云拘羸徐邈力
皮反陸德明曰律悲反又力追反

黃炎宗

曰弱也六

畜惟羊瘦

九四貞吉悔亡藩决不羸壯于大輿之輹

決陸德明音六虞翻讀為决決之決

輿虞翻李鼎

柞作輦

惠棟同

輶虞翻李鼎柞作腹

惠棟從腹云腹讀為輶古腹輶

字止作曼易經輶字或又作腹

陸德明輶又作輻

餘說見小畜

程子輶與

輻同

六五喪羊于易无悔

郭京作喪牛于易

云大壯之義莫先於牛，毛奇齡云郭誤

易陸績作場

疆場也

王肅本俞

作易義同易

音亦畔也

晁說之曰易古文疆場字與象數

合項安世曰場在兩界之間取兩艾相易之象俞琰吳澄同朱子本義乃訓容易之易語錄云不若作疆

場之易漢食貨志疆場之場正作易黃炎宗曰古
易不加土毛奇齡曰易與場言義俱同然象无疆

場之証不虞翻訓和易之易王弼訓平易之易陸德
宜改經字

鼓反程子吕大臨朱震鄭汝諧王宗傳李簡楊萬里
雷思訓和易劉牧郭雍楊時趙汝棖訓平易張浚徐

氏訓慢易吳炳文梁鄭玄訓佼易之易亦謹案周
寅從本義訓容易

易述義訓疆場

上六羝羊觸藩不能退不能遂无攸利艱則吉



坤下
離上

晉康侯用錫馬蕃庶晝日三接

晉孟喜作齊

陸德明曰子西反義同音毛奇齡曰據此則躋字與躋進也項安世曰古文作齊

許慎作簪

晁說之曰齊古文簪篆文晉今文黃宗炎曰從日從二至惠棟從簪虞翻九

家如字

康郭京作亨

案易正據无此說俞琰康當作亨郭京云王訓舊本作晉

亨此卦順而麗乎大明故亨

馬融鄭玄陸績如字

馬云安也鄭云尊也廣也陸云

安也樂也

鄭玄注禮記祭統引作康侯用錫馬

荀爽虞

翻康侯

白蕃虞翻作繁

李鼎祚引虞云坤為衆故繁庶

蕃庶鄭玄

謂蕃遮禽也

蕃發袁反遮止奢反

三徐邈息暫反

接鄭玄

音捷

勝也

初六晉如摧如貞吉罔孚裕无咎

鄭玄曰摧讀如南山崔崔之崔

晁說之曰虞云憂愁王云退也惟鄭乃得

象意廉按程朱大儒俱從退訓

罔孚許慎作有孚

六二晉如愁如貞吉受茲介福于其王母

愁鄭玄讀七由反

變色貌

陸德明狀由反

郭雍曰母

字惟別義亦衍文

六三衆允悔亡

九四晉如鼫鼠貞厲

鼯鼠子夏傳作碩鼠

如今本字

九家易作碩鼠

依李氏集解本晁說

之九家

引作鼯

孔穎達

陸德明作鼯鼠

九家孔陸皆云五技鼠也本草螻蛄一名

鼯鼠孔氏又引蔡氏勸學篇

樓鑰項安世俞琰龔煥黃宗炎毛奇齡從之樓云俗稱土狗項云先儒多

誤以詩碩鼠為說古易鼯字有一本作碩不可用彼說解此字毛云碩與鼯聲誤謂即大鼠非是 吳澄

曰鼯與碩同說者因鼯字指為五技遂為螻蛄失于僻矣

鄭玄翟玄作碩鼠皆訓

大鼠鄭玄即詩碩鼠

陸時位惠棟從碩案李鼎祚作碩鼠訓兼取九家及翟玄

陸希聲張

子程子朱子諸儒作鼯鼠

即詩碩鼠

朱震郭雍鄭汝諧呂祖謙王宗傳沈該

李簡吳炳文梁寅王申子查慎行惠棟同馮椅本郭景純說亦作田鼠

趙汝楳大鼠與

子夏傳碩鼠爾雅田鼠說文勸學篇五技鼠兼說謹

案 周易述義主詩碩鼠說

六五悔亡失得勿恤往吉无不利

失孟喜馬融鄭玄荀爽

毛奇齡誤荀說為九家

虞翻王弼作矢

馬荀王云離為矢虞云矢古誓字李鼎祚從矢訓魚荀爽

晁說之從矢

謂訓釋惟虞非餘皆

是若作矢于象數不合

毛奇齡云作矢者皆不可解 惠棟從矢字義從虞

王弼如字

恤許慎虞翻作卹

虞云憂也

荀爽如字

黃炎宗往句

上九晉其角維用伐邑厲吉无咎貞吝

䷋ 離下
坤上

明夷利艱貞

初九明夷于飛垂其翼君子于行三日不食有攸往主
人有言

六二明夷夷于左股用拯馬壯吉

夷于之夷子夏傳

今本如字

鄭玄陸績作睇

云旁視曰睇陸希聲惠

棟從睇 朱震曰
或當從鄭作睇

京房作曠晁說之曰睇曠同音題

夷古文曠篆文睇今文睇又作睇又作睇皆通也
迎視也

合象數

按說文有睇無睇睇目小視也特計切玉篇有睇字與脂大奚二切訓與說文訓睇同別

訓睇曰傾視也達計切睇玉篇云古睇字睇說文云迎視也他計切玉篇徒系徒奚二切晁氏為一字不

知何據竊謂篆文夷與弟相似睇賤應屬形誤九家作明夷于左股李鼎祚

明張元冲所出晉王本省一夷字與九家同股馬融王肅作般云旋也日隨天

左旋也姚信作右槃云自辰右旋入丑晁說之按王

弼作明夷夷于左股九家王弼俱作股肱之股拯子夏今本許

慎作拊說文蒸上聲字林云拊上舉音承九家易本晁說之李氏引如字作承

也升呂氏音訓作承云今本鄭玄諸儒作拯鄭云承也陸德明云

救也 晁說之曰後人更作拯字誤也項安世曰釋文作承古文作拊亦音承蓋拯而出之也後人以拯代之文雖是非 許慎說文引作拊馬壯吉 不聯用字 王弼

孔穎達用拯馬 壯吉 句言用馬以自拯而獲壯吉也 張浚同言君子助曰

壯吉 石介蘇軾程子用拯 馬壯吉 句呂大臨朱震郭雍楊時

楊萬里鄭剛中朱子諸儒俱同

九三明夷于南狩得其大首不可疾貞

陸德明曰狩本又作守 晁說之曰守古文狩今文 惠棟從守 項安

世俞琰不可疾 貞 貞 九家易不可疾 貞

六四入于左腹獲明夷之心于出門庭

六五箕子之明夷利貞

箕子劉向云今易箕子作菱滋

毛奇齡云前此止為訓詁向時竟有改

此二字

按趙賓曰箕子者萬物方菱

蜀才作其子

滋也荀爽曰訓箕為菱訓子為滋也

晁說之曰其

古文箕今文

馮椅俞琰作其子

俞云其子即箕子也

遂微其詞曰其子孔子逆文王意乃于彖傳顯言其為箕子後人因彖傳併作箕子文王本文蓋其子也

惠棟亦作其子

云其古音夷古文作箕其與夷子與茲字異音同故劉荀以為菱茲坤終

于亥乾出于子用晦而明明不可息此義也馬融以彖傳有箕子之文遂誤為箕子

上六不明晦初登于天後入于地

郭京作六上至晦

云晦上脫至字誤增不明字初九注明夷之主在于上六上六為至

暗者也 毛奇齡曰京繆案虞翻作不明

☲

離下巽上

家人利女貞

初九閑有家悔亡

六二无攸遂在中饋貞吉

饋漢書律歷志及谷永傳引作餽

黃炎宗饋與餽通

九三家人嗃嗃悔厲吉婦子嘻嘻終吝

嗃嗃荀爽作確確

晁說之曰確古文毛奇齡云荀訓難通

劉表作熇熇

俞琰惠棟從熇

按釋文引劉向父子及劉瓛各著其名其不著名者當屬劉表俞琰以為劉向作熇誤

矣查慎行又謂劉瓛傳作熇考劉瓛傳并無此語毛奇齡云作劉瓛亦誤

馬融鄭玄王弼

如字

馬云悅樂自得貌鄭云苦熱之意王弼虞果孔穎達訓嚴酷按釋文引鄭如字晁說之謂鄭

作熇熇亦以其訓苦熱耳

張載蘇軾王安石呂大

臨揚時郭雍朱震朱子諸儒俱從王弼訓嚴酷惟程子嗃嗃云字義未詳觀文義音意與嗃嗃相類亦作嚴訓吳澄嗃與熇通亦訓嚴

謹案

周

易述義嗃嗃猶熇熇

按許氏說文嗃嗃嚴酷貌呼

各切焯焯火熱也火屋切顧野王玉篇嗃呼洛切引
易訓嚴大之聲焯許酷切熾也燒也陸法言焯嗃俱
火酷切其解嗃嗃亦引易訓嚴厲陸氏釋文嗃呼落
反又呼學反蓋嚴酷與火烈義亦可通然前人皆讀
入聲今人皆誤讀上聲宋趙汝棖謂說文無嗃字
又謂先儒音釋多異豈音自宋時異之耶 嘻嘻陸

績讀喜喜

晁說之曰喜古字惠棟從喜云讀曰嬉

張璠作嬉嬉

毛奇齡作張璠

按釋文引馬融鄭玄如字

馬云笑聲鄭云驕佚喜笑之聲 毛奇齡云嬉嘻喜

皆通用 按嘻嘻先儒俱訓作喜笑惟項安世以為
怨嘆與嗃嗃一意謂詩之嘻噫禮之嘻甚左傳之譔
譔出出陽虎從者曰嘻皆有歎懼之詞未有訓
為笑樂也陸時位引象旨言刻核太甚婦子怨歎

六四富家大吉

九五王假有家勿恤吉

假馬馳陸績徐邈古雅反

大也 張載郭雍楊簡
趙汝楨俞琰惠棟同 王

彌孔穎達陸德明更白反

至也 蘇軾程子朱震王
宗傳趙彥甫呂祖謙朱子

胡炳文李簡王申子胡一桂梁寅同
世吳澄云與格通如格于藝祖之格亦訓至

項安楊萬里

邱富國龔煥讀如秦假昭假之假

感格也 唐鶴徵
蘇濬陳仁錫游讓

溪何楷張振淵徐在漢陸時鄭玄云登也謹案周
位白汝金毛奇齡查慎行同

易折中 周易述義從感格訓與格通

上九有孚威如終吉



離上

睽小事吉

睽馬融鄭玄王肅徐邈呂忱並音圭陸德明曰苦圭

反

初九悔亡喪馬勿逐自復見惡人无咎

九二遇主于巷无咎

巷陸德明曰字書作術

六三見輿曳其牛掣其人天且劓无初有終

掣子夏傳作犂

云一角仰也

鄭玄作犂

牛角皆踊曰犂

荀爽作犂

音綺許慎劉表作犂

許云角一俯一仰之世反劉表解同鄭氏毛奇齡曰犂犂犂犂義

雖不遠而字各不同

虞翻作犂訓同說文

李鼎祚同

王弼徐邈如

字

王訓滯

徐云市制反

陸德明昌逝反

天馬

融虞翻劓鑿其額曰天

孔穎達惠棟同

晁說之曰

程子天髡首也

朱震鄭汝諧王宗傳王申子張振淵趙振芳徐在漢毛奇齡同陸銓天

去鬚

之刑子夏傳天當作而

本李彥衡云去鬚曰而

胡瑗曰天當作

而

古文相類傳寫之誤髡其鬚髮曰而

朱子云合作而字體相似而誤刺鬚也

云與耐同胡一桂梁竇從而

吳澄改作而項安世天而兩從

云天去髮

而去鬚皆在首之刑義不相遠

石介作天人之天

云天謂上九君父皆得稱天王安

石楊時郭雍張浚沈該趙汝楙李簡楊廷筠同云天且刑之非人為也

陸時位云尊嚴峻絕如天而又若欲刑之王宗炎曰其人仰天而望鼻高于頂移怒于鼻且欲劓之按

其說更曲

劓王肅作髡

魚一反一晁說之曰即劓字

許慎作劓

九四睽孤遇元夫交孚厲无咎

六五悔亡厥宗噬膚往何咎

膚王宗炎曰膚鼎肉

上九睽孤見豕負塗載鬼一車先張之弧後說之弧匪
寇婚媾往遇雨則吉

說虞翻音稅置也本晁說之陸德明曰以活反一音始銳反

說弧之弧京房馬融鄭玄虞翻王肅翟子玄作壺

虞云坤為器大腹有口坎酒在中壺之象也陸德
明曰本亦作壺李鼎祚陸希聲作弧晁說之曰案

象數當作壺 朱震曰爻有坤坎而無震足當作孤
惠棟從壺廉按朱彝尊云兩孤京鄭許俱作壺誤
按王弼作後說之孤 左傳史蘇引作睽孤寇張之孤

䷁ 艮下
坎上

蹇利西南不利東北利見大人貞吉

蹇許慎作蹇惠棟作蹇

初六往蹇來譽

六二王臣蹇蹇匪躬之故

徐鉉云王臣蹇俗作蹇非

九三往蹇來反

郭京曰來正誤作來反

云經象注並誤 俞琰曰反當依郭京作正

六四往蹇來連

連陸德明曰力善反

惠棟云古音輦

鄭玄如字

遲久之意

郭雍馬

融以連為難

故輔嗣謂往來皆難非以連作難也 亦按釋文馬氏訓連為難

九五大蹇朋來

上六往蹇來碩吉利見大人



坎下震上

解利西南无所往其來復吉有攸往夙吉

蔣穉生无所往三字後世傳說誤入經文

云後人釋利西南句

言他無所往也故與有攸往相反如果有亦當作勿用有攸往不利有攸往方合文王時句法若程子以彖傳不言无所往為省文不知彖傳無省文例

初六无咎

九二田獲三狐得黃矢貞吉

六三負且乘致寇至貞吝

乘王肅絕證反陸德明曰平聲

俞琰曰當從平聲

九四解而拇朋至斯孚

拇荀爽虞翻作母

虞云二動時艮為指四變之坤為母李鼎祚作母解同拇晁說

之曰母古文

陸績王肅作拇

王云手大指足大指孔穎達諸儒俱從陸說

惠棟從母

六五君子維有解吉有孚於小人

上六公用射隼于高墉之上獲之无不利

虞翻李鼎祚作庸

惠棟從庸



艮上兌下

損有孚元吉无咎可貞利有攸往

曷之用二簋可用享

簋蜀才作軌

晁說之曰軌古文作簋

享蜀才作亨

許庚反

陸德

明作亨

讀許兩反 荀爽虞翻諸儒俱訓享

毛居正曰亨今作享誤

云

作亨無畫近世傳寫不可考元本見王注解作享字即加一畫 按古文無享字亦作亨至宋博寫作享為今本惟釋文及王應麟所集鄭氏易作亨餘外無復有作亨者

初九已事遄往无咎酌損之

已虞翻作祀

云祀祭祀舊作已 曰已讀曰祀古文省

李鼎祚同

惠棟朱彜尊引虞作

紀者

許慎作呂陸德明曰已音以本亦作以

按陸希聲云以

其事為已任
似以已作以

王弼孔穎達作已

音以胡瑗張載程子
朱震朱子諸儒俱同

來知德已作已

音紀我也
陸時位同言視人
之事如已事也

查慎行從來

遄荀

爽作顛

毛奇齡
云誤

九二利貞征凶弗損益之

熊良輔曰弗損

句益之句

六三三人行則損一人一人行則得其友

六四損其疾使遄有喜无咎

六五或益之十朋之龜弗克違元吉

王弼或益之

句

十朋之龜弗克違

句

陸希聲朱震沈該楊簡鄭汝諧

宗本子夏傳王宗傳俞琰同

程子或益之

句

十朋之

句

言人助之

龜

弗克違

句尹焯郭雍王申子李簡同

呂大臨朱子或益之十朋之

龜弗克違

句

梁寅胡炳文陸時位同

上九弗損益之无咎貞吉利有攸往得臣无家



震下巽上

益利有攸往利涉大川

初九利用為大作元吉无咎

六二或益之十朋之龜弗克違求貞吉王用享于帝吉

或益之三句

見損卦

享王虞作亨

午庚反

陸德明作亨

香兩反

毛居正曰字作亨讀作享古無此字

惠棟從亨虞翻干寶季鼎祚作

享

按諸儒俱作享

項安世曰古文亨即享大有九三隨上六益六二升六四句法同今獨益享帝

不敢作亨帝俗師不識古字也

陸時位曰公用享于天子王用享于西山王用享于岐山古本篆文俱

是亨字惟益王用享于帝古本方是享字

餘說見前

六三益之用凶事无咎有孚中行告公用圭

用圭王肅作桓圭

毛奇齡云謬

周易章句證異

三

六四中行告公從利用為依遷國

虞翻作依遷邦

李鼎祚同
惠棟從之

王弼崔憬作國

九五有孚惠心勿問元吉有孚惠我德

上九莫益之或擊之立心勿恒凶



乾下
兌上

夬揚于王庭孚號有厲告自邑不利即戎利有攸往

郭京曰夬下脫亨字

號荀爽虞翻王弼干寶讀號

令之號

去聲

孔穎達王安石張載程子游酢郭雍
朱震張浚王宗傳鄭汝諧姚小彭邵繫項安

世趙汝梅王申子俱同姚項
云乎號惕號元號同去聲
朱子讀呼號之號平聲云古

來作去看來該是平聲
吳澄胡炳文俞琰
梁寅同 陸時位曰時解作平聲者非
毛奇齡

曰平去兩讀不分

初九壯于前趾往不勝為咎

趾荀爽作止晁說之曰止古文

九二惕號莫夜有戎勿恤

惕荀爽翟玄作錫賜也毛奇齡
晁說之曰古文作

易虞翻如字懼也
號鄭玄虞翻王虞音號去聲
希聲張載

程子郭雍王宗傳呂祖謙趙汝楙姚小彭項安世張慎甫同

王弼孔穎達讀平聲

朱震朱子胡炳文吳澄

莫鄭玄如字

无也无夜

虞

俞琰梁寅吳曰慎同

翻如字

胡旦蘇軾讀惕號莫夜

句有戎勿恤句熊

倪元璐楊廷筠同

謹案周易述義莫夜有戎

九三壯于頄有凶君子夬夬獨行遇雨若濡有愠无咎

頄鄭玄作壯于顙

夾面也

蜀才作仇

毛奇齡曰字聲之誤

明晉王

本作尻

毛奇齡云此必張氏臆會

翟玄王肅如字

王音龜董真卿誤云作龜江氏

琴威反陸德明木龜反又音求崔云面頄頄間骨也

胡瑗曰此錯簡當曰壯

于頌有凶獨行遇雨若濡有愠君子夬夬无咎

王申

子曰于義順當從之廉按劉牧解此文義與胡同訓濡為變

程子曰當云壯于

頌有凶獨行遇雨君子夬夬若濡有愠无咎

云由有遇雨字

又有濡字故誤連也

朱震曰以象意考之程傳為

是郭雍曰安定伊川說皆以无咎二字難釋然義

亦可通不必泥也

朱

翟玄荀爽如舊

倪元璐君

子曰文自順不必改

子夬夬獨行

句

遇雨若濡

句

有愠无咎

句

九四臀无膚其行次且牽羊悔亡聞言不信

次鄭玄許慎作趨

七私反說文倉猝也

王肅李鼎祚作趨陸德

德明曰次本亦或作越或作跋馬融虞翻如字郤行

不前也 晁說之曰次古文

且王肅李鼎祚作越王云越起行止之碍也

陸德明曰且本亦作越或作跂七餘反馬融如字語助也 晁

說之曰 且古文

牽子夏傳作擊

宋本如字 晁說之曰擊古文

九五莧陸夬夬中行无咎

莧陸子夏傳云木根草莖

王弼孔穎達張浚同

馬融鄭玄王肅

云莧陸商陸也

熊良輔同

程子莧陸馬齒莧也

朱子本義及沈該鄭

汝諧李簡胡炳文同 已上以莧陸為一物

荀爽莧根小陸根大皆葉柔而

根堅

朱震云莧菁也陸商陸皆澤草莧柔根堅而赤陸大于莧

董遇云莧人莧也

陸商陸也

廉按李彥衡義海撮要引董遇第一莧字為前字云前人莧陸商陸趙汝楛不知其

誤遂云前人以莧陸商陸為二草今從孔穎達王宗傳引本改正

宋忠莧莧菜陸商

陸

朱子語錄又云莧馬齒陸章陸一名商陸又云是章柳梁寅俞琰同

以上以莧陸為二物劉牧

云陸最高之地

南仲云莧莧也陸高平之陸

言莧生于

陸也王中子徐在漢趙振芳陸時位毛奇齡同已上以莧為一物陸非物也

項安世莧作

莧山羊也陸路也

言羊之行路每喜登高

趙汝楛吳澄同云上從廿象羊角中

從目象目下從凡象足舊誤作莧從艸從見竟解作艸名熊良輔曰近有音莧為完者失之太鑿廉按說

文蒐侯澗切玉篇胡辨切菜名從艸部又說文蒐胡
官切玉篇同山羊細角者寬寬字從此別為一部不
艸今趙氏胡氏音九字仍作蒐是猶未敢改經也項
氏別作莞是從陸德明作莞與說文音九兼而勿之
改經也陸德明曰蒐本又作莞華板蜀才作蒐睦睦與
者也

也虞翻曰蒐悅也音義如蒐爾而笑陸和睦也云舊
陸之誤也馬荀皆從俗言蒐陸非也廉按據李氏集

解所引虞氏之說則蒐字虞當同陸德明作莞陸字
虞當同蜀才作睦所以虞言蒐陸字之誤也今本釋
文及集解引虞說仍作蒐字陸字惠棟云蒐論語
作莞論語字誤也陸讀為睦古文通謹案周易述
用考之漢唐扶頌嚴舉碑皆以陸為睦

義蒐山羊也陸平地也

上六无號終有凶

號虞翻讀去聲

號令之號 劉牧徐氏姚 小彭項安世趙汝棹同

王弼諸儒

讀平聲

或作號咷之號或作呼號之號 程子云先 儒字號惕號无號俱平聲謂无用更加號令

非也卦中適有兩去聲一平聲何害 郭雍曰三號

字程子以一為號令二為呼號或皆為號令當從伊

川 朱子云三號皆當音如嗥

胡瑗王安石朱震諸人皆同



巽下 乾土

姤女壯勿用取女

姤鄭玄作邁薛虞曰古文作邁

馮椅曰古文姤作邁 王洙易改為今文作

姤 雜卦 猶是 古文 毛奇齡曰 雜卦傳 石經亦作 遘 遘 義俱同 惠棟從 遘 廉按 薛虞云 古文作 遘 則知

虞時已作 姤 矣 故李鼎祚所引 鄭玄 虞翻 諸說 俱作 姤 未必至 王洙 始改也 取陸德明

作娶

云今本 作取

郭京曰 取下誤增女字

毛奇齡 云謬

初六 繫于金柅 貞吉 有攸往 見凶 羸豕孚蹢躅

繫 惠棟從 係

柅 子夏傳作 鏹

今本如字 晁說之 曰字或作 鏹 呂氏字

林女指反陸時位曰柅作鏹婦 人絡絲跌所用 惠棟從鏹

王肅作 柅

從手 織績 之器 婦人

所用 許慎作 柅

絡絲跌也 讀若 柅 字 林乃米反 晁說 之曰 許云 倉頡 篇 柅 作 柅 柅 柅 也 絡絲

之器 自闕 西謂之 絡 塚 梁 益 之間 謂之 絲 登 其 下 附 即 柅 也 尼 古 文

蜀才作 尼 也 九

家作柅

絲繫于柅。虞翻同。朱震曰：絡絲，以木石為跗。安世曰：柅，絡絲之跗。絡絲之柱，以木石為跗。

令其不動，以金為之，愈堅重矣。馮椅曰：絡絲，以鐵為之初六之柔，无車象。廉案：輔侯錄，朱子語與本。

義異云，或為止車，或為絲，袞不可曉。來知德云：取絲之器。徐在漢，係絲物。馬融作止車。

之柅

在車之下，所以止輪，令不動也。王弼制動之。主程子止車之物，木為之。蘇軾楊時、郭雍、沈該。

張浚、鄭汝諧、朱子本義、王宗傳、王申子。蔡氏、李簡、胡炳文、俞琰、梁寅、吳澄同。趙汝楨通作。

屎

云說文作屎，敕雅反。絲，隻柄也，亦作柅。毛奇齡柅木名，柅亦是絡絲。隻，子如梨而黃，故。

名金柅，本木而可以繫物。漢儒訓止車之木，則但可止車，而不可繫物。作銅，訓絡絲。隻子，則不特難以繫。

物，且別一字矣。銅柅，通字耳。何廉案說文：柅，絡絲。柅氏訂訓，因銅訓絡絲。隻子遂誤。廉案說文：柅，絡絲。柅。

讀若柅又屎篋柄也從木尸聲女履切又柅木也虞
如梨又于屎下重出柅曰屎從木尼聲女履切鋪柅
屎三字皆不引易故陸德明謂許作榘趙汝楳謂許
作屎毛竒齡又以木名當之 九家以有攸往見 句

凶 句李氏義海撮要引云攸往見 嬴鄭玄 本晁 作

嬴 釋文如字 陸績讀為累王肅劣隨反 陸德明 宋忠

虞翻作繫羸之羸 案曰羸大索所以繫豕者也 晁

世曰猶羸角之羸易中羸字皆與惟通用羸其瓶亦
然故鄭作繫宋作縲陸作累然羸義自明不煩改字

龔煥俞
琰惠棟同

王弼羸豕北豕也

云壯強而北弱孔
穎達呂大臨朱震徐

幾熊良輔胡炳文唐鶴徵同
羸豕北為羸豕廉按程子諸儒作羸弱之羸

徐在漢曰壯為
躅陸

德明曰一本作躅古文虞翻字忠作躅

李鼎祚
惠棟同徐

邈如字

治益反陸德
明曰直戟反

躅陸德明本亦作躅虞翻

宋忠作躅

李鼎祚
惠棟同

九二包有魚无咎不利賓

包荀爽作胞

趙汝楳曰包字從勺
從巳即胞胎之包

子夏傳

今本
如字

虞翻

作苞

項安世曰凡稱包者皆謂陽包陰也包蒙包承
包荒包羞包桑俱同此包蓋即古苞字後人加

艸以別之故子夏傳與虞翻本皆作苞字廉按李鼎
祚引虞作包云在中稱包詩白茅包之又云或以包

為庖厨也 王弼訓庖陸德明曰包本亦作庖 孔穎達
正義訓

庖言初為九四之正應為九二之庖厨 程子諸儒俱
明晉王本作庖 毛奇齡曰胞庖俱非

作包

九三臀无膚其行次且厲无大咎

次且見夬卦

九四包无魚起凶

九五以杞包瓜含章有隕自天

以子夏傳作

本孔穎達正義今本如字

郭京曰作似

按薛虞有屈撓似匏

瓜之語 毛奇齡曰作似俱非查慎行曰京非

杞馬融作杞梓之杞云木

也子夏同

本趙汝楨今本如字

石介程子朱震郭雍沈該朱子項安世鄭汝諧趙汝楨吳澄

胡炳文龔煥王申子梁寅李開俞胡炳文黃葵峯姚舜牧陸時位同

薛虞鄭玄虞翻

張璠杞柳之杞

薛云杞性柔韌宜屈撓似瓠瓜

王弼作枸杞之杞

孔穎

達張載蘇賦王宗傳同

包子夏傳作匏瓜

按孔穎達引子夏作匏宋本亦訓匏

陸德明引子夏作苞觀薛記則作匏是

薛虞云杞屈撓似瓠瓜

王弼石介俱訓

瓠瓜孔穎達正義作匏瓜

張弧瓠匏瓜星名晁說之曰馬融鄭玄

讀為庖廡翻作苞瓜

李鼎祚惠棟作苞瓜

張載程子諸儒作包

言以祀而

包瓜也

上九姤其角吝无咎



坤下兌上

萃亨王假有廟利見大人亨利貞用大牲吉利有攸往

馬融鄭玄虞翻陸績李鼎祚无亨字

李鼎祚同廉按李氏集解引鄭

玄有云故曰萃亨也則鄭本亦有亨字今曰無者依釋文本

王弼王肅有亨字

弼云

聚乃通也

孔

王昭素蘇軾有亨字

按李衡引昭素之卦詞有亨者

穎達陸德明同

三十六惟萃有二亨晁說之又云昭素謂當无亨字
不知所據郭雍趙汝楨王宗傳李簡闕皆有

程子晁說之云亨衍文

晁云昭素謂无亨字案象數
无項安世云王肅獨有亨

字弼用其說孔子彖詞无亨字

朱子鄭汝諧俞琰

王申子從衍

吳澄惠棟刪去亨字

毛奇齡曰馬

鄭陸虞无亨字偶遺耳或謂
衍文或去此字何其妄也

假鄭玄訓至

餘見

王

昭素曰利見大人亨聯讀

初六有孚不終乃亂乃萃若號一握為笑勿恤往无咎

號虞翻讀號令之號

經典釋文同
號召之號

朱震讀
惠棟從虞

鄭玄王

肅王虞讀號咷之號

程子張子朱
子諸儒同

握傳氏作渥

一本

作鄭玄蜀才俱讀為夫三為屋之屋惠棟從鄭虞翻讀握

手之握王弼一握小貌程子一握猶言一團毛奇齡云杜撰

吳澄同王弼孔穎達若號與一握句言自號比為笑句

言樂附張載李簡若號一握句言若能號呼專為笑句

勿恤句言不恤程子朱子以若號句一握為笑句言

號呼衆皆笑之項安世潘氏胡蘇軾呂大臨若號

一握為笑句蘇云號笑聲相雜朱震張浚沈該趙汝

楫一握為笑句朱云為笑獻笑也一握其手喻惠微動沈云一握為笑非誠心之笑沈云

握手之
笑斲也
胡瑗王宗傳俞琰錢志立若號一握為笑句

言一握之頃變號為
笑所為破涕為笑也
查慎行若號一握為笑勿恤往

无咎句
謹案
周易折中從胡瑗

六二引吉无咎孚乃利用禴

禴蜀才作躍劉表作爚

毛奇齡曰非是

馬融鄭玄虞翻王肅

如字

馬王云殷春祭名王輔嗣孔穎達趙汝楨同鄭玄虞翻云夏祭名張浚胡一桂同廉按朱震

謂夏祭以齊為主張振淵陸時位楊廷筠主其說查慎行曰周禮作侖侖者和樂之器程子蘇軾諸儒

俱訓薄祭謹按周易折中從鄭虞夏祭說

六三萃如嗟如无攸利往无咎小吝

九四大吉无咎

九五萃有位无咎匪孚元永貞悔亡

虞翻王弼无咎匪孚

句孔穎達陸希聲同

程子張載蘇軾朱

子諸儒俱无咎

句

上六齋咨涕洟无咎

齋咨虞翻齋資

云齋持也資博也說之曰陸希聲作資才也

李鼎祚同晁

從希聲作資李彦衡引希聲仍作咨

朱震曰齋與咨古通用

見叢說齋王

肅將啼反徐邈將池反咨陸德明音諮又將利反

廉按

鄭玄齋咨嗟嘆之詞王弼諸儒同
歎息也張振淵同陸希聲曰齋持也咨才也俞琰同



巽下
坤上

升元亨用見大人勿恤南征吉

升鄭玄作昇

查慎行曰古歸藏作稱
文只用升字

陸德明曰用

見本或作利見

初六允升大吉

允許慎作親

進也余準切
之曰允古文親

隸說
篆文

朱震曰施讎易作

欤

九二孚乃利用禴无咎

九三升虛邑

馬融訓邱虛之虛

云虛邱也 是說之曰篆文无壙字四邑為邱四邱為虛非空虛

黃宗炎同云大邱也俗加土作墟

六四王用亨于岐山吉无咎

亨王弼讀亨通之亨

陸德明曰許庚反 崔憬石介蘇軾程子郭雍朱震王宗傳鄭

汝諧趙汝楙王申子李簡熊良輔葉爾瞻張振淵陸時位徐在漢查慎行同訓亨 按崔憬原訓作通李

鼎祚作享故引
崔本亦作享

馬融鄭玄陸績王肅讀宴亨之亨

兩許

反馬云祭也鄭云獻也朱子胡炳文吳澄
梁寅俞琰蔡清李去非惠棟毛奇齡同

李鼎祚改

作享

沈該趙彥肅楊建筠
陳仁錫洪啓初同

謹案

周易折中訓享

六五貞吉升階

上六冥升利于不息之貞

☶

坎下
兌上

困亨貞大人吉无咎有言不信

荀爽虞翻王弼貞大人吉

句孔穎達李鼎祚石介蘇
軾鮮于侁項安世吳澄

同 程子諸儒貞句徐氏刻朱震易傳脫元咎二字

按朱震引范諤昌曰彖文貞大人吉下脫无咎二字范所云盖即今彖傳中也今漢上易傳并卦詞中亦

脫去无咎二字誤 謹案 周易折中 周易述義信與伸通

初六臀困于株木入于幽谷三歲不覿

九二困于酒食朱紱方來利用亨祀征凶无咎

毛居正曰亨祀今本作享誤不敢改也說見損彖廉按宋以前者

不可考今本陸德明李鼎祚張載蘇軾朱震李彥衡鄭汝諧沈該張浚王宗傳趙汝楨王申子胡一桂胡

炳文董楷董真卿梁寅諸本經文中俱作享程子朱子李簡頊安世王應麟集鄭本宋子夏傳本熊良輔

吳澄俞琰林希元楊廷筠惠棟查慎行毛奇齡諸本
作亨。按釋文如大有九二隨上六益六二升六四
損彖文凡諸家兩訓者皆作亨惟此
亨字諸家皆訓享故釋文亦作享

六三困于石據于蒺藜入于其宮不見其妻凶

九四來徐徐困于金車吝有終

徐徐子夏傳

今本如字

虞翻翟玄作荼茶

音圖內不定之意虞云舒遲

也

王肅作余余

晁說之曰余古文

馬融如字

安行貌

金車陸

德明曰本亦作金輿虞翻作金舉

李鼎祚惠棟同

九五剝則困于赤紱乃徐有說利用祭祀

剗別荀爽陸績王肅作𦉳

云不安貌

京房作剗

案說文剗

也鄭玄曰剗別當作𦉳

𦉳

說之曰案象數當作𦉳即𦉳之古文與上六

字同惠棟同𦉳說之吳澄改作𦉳

虞翻乾鑿度如字

祭祀陸德

明本亦作享祀

上六困于葛藟于臲卼曰動悔有悔征吉

藟陸德明曰本又作藟

臲許慎薛虞作臲

牛列反 臲

說之曰古文作𦉳

惠棟從𦉳

卼許慎作𦉳

不安也 薛虞作

𦉳是說之曰古文作𦉳

惠棟從𦉳

虞翻如字



巽下
坎上

井改邑不改井无喪无得往來井井汔至亦未繙井羸

其瓶凶

郭京曰井卦名下脱亨字

本闕
正舉無闕

羸蜀才作累

惠棟從累鄭玄讀為藥徐邈力追反陸德明力悲反

虞翻云羸

鈎羅也荀爽曰繫羸

朱震曰羸掛其瓶

趙汝楙

曰羸而不解

俞琰曰

與羸角羸豕之羸同廉案王

弼始訓羸為敗程子曰

羸毀敗也朱子諸儒同

朱子語錄汔至

句亦未繙

井羸其瓶

句梁寅同

荀爽汔至亦未繙

句井羸其瓶

俞琰井羸其瓶

句廉素李鼎祚彖詞引苟爽說以編句彖詞引虞翻說又以未繻井

絕句

初六井泥不食舊井无禽

吳澄井泥句井谷井渫井甃井冽井收皆同

禽崔憬

曰古擒字

猶獲也 隄說之曰擒字崔識之 同言无所獲也 毛奇齡曰獲亦不合

俞琰 趙

汝楳曰鳥獸盡魚通曰禽

不常指鳥蛙螺之類 徐在漢同凡游泳水中者皆禽也

王弼

程子諸儒謂禽鳥之禽

毛奇齡曰象義同北方謂輓檻之軸曰禽杜撰無據

九二井谷射鮒甕敝漏

王弼曰谿谷程子曰澗谷王宗傳同朱震注溪者也
趙汝楛曰山中之谷穴如井者徐直方曰井旁穴也

龔煥胡炳文梁寅同俞琰曰
井藉弗甃則其旁崩潰為谷
谷陸德明古木反又

音浴 射筍爽作耶鄭玄王弼音亦
厭徐邈食夜反

陸德明曰食亦反
王弼訓注 俞 琰食亦反 澦也
鮒子夏傳

今本如字 云蝦蟇
石介龔煥熊良輔惠棟同龔曰當作 蝦蟇廢井多有之 孔穎達引子夏傳

蝦蟇呼為鮒魚也
程子曰或以為蝦或以為慕井 泥中微物耳 馮椅或謂蝦蟇或謂鮒鮒 毛奇齡

曰子夏傳以莊子培井之
誤鄭玄曰小魚虞翻曰小鮮
蛙伏缺甃之崖一語而誤

崔憬李鼎祚張浚王
宗傳王申子吳澄同 朱震曰蛙也
魚類 揚萬里云 徐直方云

欽定四庫全書

周易章句證異

七

泥中微物蛙屬
梁寅曰蛙也
趙汝棣云鱣魚
儀禮魚用鮒莊子車轍中有鮒魚得斗升

之水可活注小鱣類師古注魚龍索鱣乃鮒魚坪雅
同博雅鱣鮒也
陸佃曰小魚相即而行名即相附

而行名鮒
林希元同
陸時位引易曰即今之鮒
魚也徐在漢同
查慎行曰儀禮魚用鮒注此魚好

旅行以相附謂之鮒即鮒魚
毛奇齡曰儀禮魚用鮒言細小也若呂子洞庭之鮒莊子涸轍之鮒則皆

大魚陸佃
程迥曰字書作鮒
蝸牛也今廢井中多有說似可信
項安世曰鮒為蝸

牛非是廉察履淵錄朱子常取其
說今成德易集義誤沙隨為明道
甕許慎作甕
波瓶

趙汝棣作甕云汲
陸德明作雍
屋送反云李軌於甕井用瓶谷用甕
鍾反
惠棟從雍鄭

玄作甕
云停水器也
漏陸希聲作屢
藉也
晁說之
曰不知所據

九三井滌不食為我心惻可用汲王明並受其福

滌史記屈原傳引作泄

向秀注曰漫泄泥濁也

虞翻荀爽干寶

李鼎祚作滌查慎行井滌句可用史記引作可以

六四井甃无咎

九五井冽寒泉食

上六井收勿幕有孚元吉

收荀爽作甃

毛奇齡曰荀誤

俞琰曰疑即汲字訛為收徐邈

詩救反又如字

馬融曰收汲也程子諸儒從之虞翻曰以輓轆收緇也晁說之朱震吳澄

梁寅從之 陸績曰井幹也 項安世曰井口之名
今俗猶謂之收口 王弼利井功之成郭雍沈該同

勿干寶作丙案董真卿毛奇齡引干作罔朱子發

引干如字今依陸德明及李鼎祚本 幕朱震曰當

作闌 云今易傳寫誤 古文作  案吳澄云幕當作門 俗作冪今作幕從省

趙汝楳曰讀若冪 王弼井收 句 勿幕有孚元吉 句

孔穎 虞翻干寶井收勿幕 句

 離下
兌上

草已日乃孚元亨利貞悔亡

巳朱震作戊巳之巳

云庚更草也自庚至巳十日決矣馮氏同云卦以庚為義也

張慎甫陸時位徐在漢趙振芳顧炎武毛奇齡查慎行趙云五行惟土配信查云土主信戊為艮土巳為

坤土離兌陰卦故以陰上言

僧曇瑩作巳午之巳

胡一桂曰曇瑩云作巳亦可十

二辰自子至巳六陽極變午巳日乃孚也是知好奇因各有說但于庚更草義无取虞翻干寶

諸儒作巳事之巳謹案周易述義作巳

初九鞏用黄牛之草

六二巳日乃草之征吉无咎

王湘卿作巳日

云納甲兌屬巳二爻離之主故言餘說見卦詞

九三征凶貞厲草言三就有孚

九四悔亡有孚改命吉

九五大人變虎未占有孚

變京房作辨

晁說之曰辨古文變字

下同

上六君子豹變小人革面征凶居貞吉

豹許慎作斐



巽下
離上

鼎元吉亨

虞翻王弼有吉字

王云法制應時然後乃吉賢愚有別尊卑有序然後乃亨孔穎達

李鼎祚郭京陸希聲同蘇軾朱震張浚王宗傳趙汝楙李簡王宗炎劉南宮陸時位毛奇齡查慎行不

從衍文

查云程子因彖傳无吉故以為衍然隨彖

元亨利貞傳止言大亨貞萃彖曰萃亨傳无亨漸彖

萃彖有利貞傳皆无

程子羨吉字

郭雍朱子項安世鄭汝諧王申子李

簡俞琰胡一桂胡炳

吳澄李本刪去吉字

毛奇齡曰程傳本義

文張官諸儒從之

無所據竟刪去之何其妄也

初六鼎顛趾利出否得妾以其子无咎

九二鼎有實我仇有疾不我能即吉

九三鼎耳革其行塞雉膏不食方雨虧悔終吉

九四鼎折足覆公餗其形渥凶

餗馬融作粥

餗也。之然廉。按釋文鼎卦又詞中不載作粥字止云餗也。今本繫詞傳中增入。

鄭玄亦作救

釋文云萊也。廉按孔穎達疏其救惟何引鄭易作覆公救云。鄭注以救為八珍。

所用又賈公彥周官醢人糝食疏引鄭易作覆公餗云。鄭注糝謂之餗。又司烜氏疏引鄭注餗美饌。

按說文无餗字。餗健也。俗作粥。又鬻鼎實陳留謂健

為鬻亦不引易。據釋文馬融作粥。訓健合說文觀之

則餗似可作鬻。毛奇齡謂說文訓鬻引易覆公鬻為

証而以釋文不引鷺字為脫誤亦未盡然 形京房

鄭玄九家虞翻荀爽作刑 李鼎祚一行 漢書王商傳

注引作刑 唐書元載 黃宗炎讀如劓羹之劓 云史記

謂八豆六劓無不受汗 渥鄭玄作劓亦作屋 周官

氏屋誅注鄭玄曰屋讀如其刑劓之劓賈公彥 京房

九家虞翻作劓 重刑也 京謂刑在頰曰劓 一行陸

引虞及九家俱作渥亦大 朱震曰子夏傳作握 蓋傳

誤而音 薛虞云古文作渥 王弼 朱子從晁說之訓刑

劉邵博王公同胡炳文胡一桂俞琰梁寅倪元

屋璐陳仁錫趙汝楙鄭汝諧李簡王宗炎張彥淵同

王申子曰鼎之形渥徐在漢查慎行毛奇齡同毛云

刑刑字聲相近各相傳會之誤晁說之作偽古本改

劉

作刑 王弼作形渥

云體為渥沾也程子謂可羞愧之甚報汙也 呂大臨郭雍張浚同

吳澄改作刑劉

六五鼎黃耳金鉉利貞

上九鼎玉鉉大吉无不利



震下
震上

震亨震來虩虩笑言啞啞震驚百里不喪匕鬯

震歸藏作釐 吳澄刪去震來虩虩笑言啞啞八字

云初九爻詞重出 季本同 毛奇齡曰吳季何其元忌憚至此

虩虩荀爽作愬

愬 晁說之曰虩虩與愬愬同音色 毛奇齡曰愬愬同說見履 馬融鄭玄如字 同云

恐懼貌 笑言陸德明曰本作笑語

初九震來虩虩後笑言啞啞吉

張元冲所出晉王本無後字

六二震來厲億喪貝躋于九陵勿逐七日得

億虞翻作噫

于其反惜詞也 朱震俞琰從之俞云恐懼失聲麻案李氏集解引虞仍作億

陸德明同
本亦作噫

鄭玄作十萬曰億之億

於力反

陸希聲萬萬曰億石

介曰億萬數之大也呂大臨王宗傳趙汝樛邱富國蔡氏同李簡同兼以大訓

程子作億度

之億

鄭汝諧勾微沈守約項安世王申子梁寅同言度其將喪貝也

吳澄作詭億之

億

詭億戲也言被雷驚散失其所億之貝也

陸德明于其反

王弼云詞也陸德明孔穎

達劉牧同

干寶云歎詞張載云必也

王安石云安也言安處不避則喪

貝也

朱子億未詳亦作噫解

毛奇齡曰偽古本作噫以虞干解也不知億字原有作詞解者何必改

字

喪荀爽如字陸德明息浪反

貝荀爽音敗

躋陸德明曰本又作躋

六三震蘇蘇震行无眚

毛奇齡曰蘇蘇即覲覲

音蘇懇音之轉與覲同字則蘇即覲可知故馬融陸績俱

注恐懼惟虞翻以死而復蘇為解案釋文馬云蘇蘇尸祿食素也不訓恐懼亦不載陸績注毛氏所引

不知何據又鄭玄訓不安王

肅訓警動陸德明訓疑懼

九四震遂泥

遂荀爽作隊

本釋文米震云荀本作隊遂隧古通用毛奇齡隊遂同

六五震往來厲億无喪有事

查慎行震往來

句厲

句蔣姊生億

句无喪

句有事

趙汝楨吳澄俞琰億无喪句有事句虞翻諸儒億无

喪有事

句億字說見前

上六震索索視矍矍征凶震不于其躬于其鄰无咎婚

媾有言

毛奇齡曰索索即矍矍字

云索矍愬愬同音同義案釋文矍許逆反索索落

反是音不同也矍矍馬鄭同訓恐懼索索馬訓内不安貌鄭訓猶縮縮足不正也是義亦不盡同也

䷲

艮下
艮上

艮其背不獲其身行其庭不見其人无咎

良許慎作目

郭京彖詞脫良亨二字

本闕
正舉無闕

吳澄曰背音佩俗讀人身之背非

云背北堂也又詞
趾腓限身輔是就

人身取象彖詞其背與其
庭為對是就宮室取象

初六良其趾无咎利求貞

趾荀爽作止

晁說之曰古作止
毛奇齡止趾通字

六二良其腓不拯其隨其心不快

腓陸德明本又作肥

義見咸

拯孟喜京房王肅陸績

以上本
晁說之

馬融陸德明作承

音拯救之拯馬云舉也
呂氏訓義作承云今作拯

一行作拊

朱震曰一作拊音承

李鼎祚引虞翻如字

晁說之曰其誤

如明夷

熊良輔不拯句

其隨句

虞翻不拯其隨句

句

九三艮其限列其夤厲薰心

列孟喜

本晁說之

虞翻李鼎祚作裂

一行同俞琰云當從孟喜

夤

荀爽作腎

云互體有坎坎為腎

孟喜京房一行作朋

本晁說之

鄭玄

作夤

晁說之曰今文也曰夤字從肉不從夕書作夤

項安世

馬融如字

夾脊陸

德明曰夤引真反徐邈音同

厲韓詩外傳引易作

危薰子夏傳

今本如字

孟喜京房馬融王肅王弼作熏

馬王云熏灼其心 以上本朱震 俞琰曰當從孟
喜作熏如憂心如熏之熏 吳澄顧炎武從熏

荀爽作勳

云互體有震震為勳

虞翻作閻

云艮為閻守門人坎盜動門故厲閻心古

閻作薰字馬因言熏灼其心未聞易道以坎水熏灼人也荀氏以熏為勳讀作勳皆非也 李鼎祚作閻

朱震曰古本當作勳心

云勳心二字傳者誤併作勳字再傳又脫其偏旁作熏而

後來者又加艸遂成薰字

石介胡瑗蘇軾張載程子諸儒俱作薰

六四艮其身无咎

六五艮其輔言有序悔亡

虞翻作言有孚

李鼎祚同

上九敦艮吉



艮下
巽上

漸女歸吉利貞

初六鴻漸于干小子厲有言无咎

六二鴻漸于磐飲食衎衎吉

史記漢武紀漢書郊祀志引作般

裴龍駒史記注云水涯堆也

漢書

孟康注同顏師古云般也堆為是鴻固不栖陸也

晁說之曰般古文

馬融如

字

九三鴻漸于陸夫征不復婦孕不育凶利禦寇

孕荀奕作乘

晁說之曰
乘古文

利禦寇虞翻作利用禦寇

李鼎

祚同

六四鴻漸于木或得其桷无咎

九五鴻漸于陵婦三歲不孕終莫之勝吉

上九鴻于陸其羽可用為儀吉

陸虞翻王弼本作陸

孔穎達李鼎祚陸希聲同
云陸謂三也孔云上與三皆處

虞

卦上故稱陸陸云過高則反下也
顏師古注漢書倪寬傳引作陸

胡瑗云當作達

字體

相類傳錄誤也程子從之朱子云以韻讀之良是郭忠孝郭雍同沈該項安世王宗傳晁公武邱富國王

申子熊朋來胡一桂胡炳文熊良輔龔煥俞琰梁寅郭鵬海洪守美張振淵李去非同熊朋來云有妄為

九三南陸上九北陸之說以韻讀當為遠俞琰云遠自通邑大都九達之路人皆仰見也王應麟

曰范諤昌云陸字誤從胡安定蘇軾改作遠吳澄季又

一作陵本李衡撤要石介曰上高于五而降者君臣之定分也諸家改為陵非石介張

載孫坦朱震仍作陸孫云雲路也朱云及而之三然後安在鴻則為自南而北向之

時也吕大臨張浚楊萬里趙彥肅趙汝楙李簡焦竑鄭維岳徐在漢陸時位顧炎武同毛奇齡云遠爾雅

說文无雲路之謹案周易折中陸乃阿字之誤云注起于詞章家阿

大陵也儀古讀俄正與阿
叶遠儀古韻實非叶也

周易述義當作遠

䷲

兌下
震上

歸妹征凶无攸利

初九歸妹以娣跛能履征吉

能虞翻李鼎祚作而下同

說見履

九二眇能視利幽人之貞

晁說之曰子夏傳作利幽人貞

今本如字

六三歸妹以須反歸以娣

須荀爽陸績作孀

陸云妾也孺毛奇齡引作孀皆誤

朱彛尊引作孀皆誤

子夏傳

孟喜京房作媵

云媵之妾也上本晁說之

吳澄云

曰古文須

虞翻王弼作須待之須

孔穎達陸德明李鼎祚胡瑗程子張載郭雍趙

汝楛徐氏鄭汝諧李簡同鑽穴隙相窺踰牆相從者也或以賤女解或以頤之

張慎甫曰相須也所謂

飾解殊為不妥

陸銓說相同鄭玄作須女之須

云有才智之稱天文有須女屈原之

妹名女須

陸希聲曰織女為貴須女為賤歸妹以

賤女一行陸震蘇軾朱震張浚朱子項安世王宗

傳胡炳文吳澄俞琰梁寅熊過陸

時位徐在漢同吳澄曰須或作頤

須反歸以娣

句言歸妹以須從當反之使歸母家

查慎行歸妹以

也
謹案 周易折中 周易述義主須女說

九四歸妹愆期遲歸有時

六五帝乙歸妹其君之袂不如其娣之袂良月幾望吉

帝乙說見泰卦 幾荀爽作既吳澄曰幾讀作既

陸德

明音機又音祈 虞翻曰
幾其也 孔穎達云近也

上六女承筐无實士刲羊无血无攸利

筐陸德明晁說之呂祖謙作匡

陸云鄭玄作筐晁云
筐俗字呂云今本作

筐

刲晁說之或作搯或作刲許慎刲苦圭反陸同

又音工惠反


離下
震上

豐亨王假之勿憂宜日中

豐陸德明曰依字作豐今本作豐禮字非也世人失

之久矣 假馬融姚信讀古雅反

訓大路純中俞琰黃炎

宗陸時位同

虞翻王弼陸德明庚白切

訓至程子諸儒從之

初九遇其配主雖旬无咎往有尚

配孟喜

本朱震

鄭玄作妃

鄭云嘉耦曰妃妃古文配字

按虞翻曰妃

謂四也疑虞氏亦作
妃朱震訓同鄭氏

雖晁說之古文本作惟云玩詞意

當作惟讀易者失之
陸時位曰古作惟

荀爽作均晁說之曰句古文均字易被

曰鄭本以句為均字廉按詩有客正
義鄭氏實未嘗作均易氏未知所據
劉炳作鈞毛奇齡曰

均鈞句王肅作句云當純反或音脣
鄭玄虞翻訓十日為句

之句劉牧胡瑗呂大臨程迥張浚李開侯果趙汝

訓十日王弼孔穎達訓均程子張載郭雍朱子沈該張

繼諸人同熊過曰古無訓均者陸氏
訓均程朱從之誤矣按陸氏不知何據
朱震均與十

句兼訓王宗傳胡炳文同
謹案周易述義主十日為句

六二豐其部日中見斗往得疑疾有孚發若吉

部鄭玄薛虞作菩

鄭云小席 晁說之曰菩古文部字 按毛奇齡以為薛仁貴誤釋

丈引虞不引仁貴

虞翻王肅王弼作部

虞云日蔽雲中稱部 王弼注云覆暖障

光明之物畧例又云大閭謂之部程主弼說 陸希聲云茂密罔通之義 趙汝楙云部古書无訓至願

野王始訓覆亦祖輔嗣說

斗孟喜作主

晁說之曰主古文斗字 徐在漢部

草名

言如菲草之蒟蒻也 查慎行同 薛菲廣雅惟魚薺也

九三豐其沛日中見沫折其右肱无咎

沛子夏傳

今本作沛 云小也 陸希聲作如字 沛云枝葉偏垂之貌 鄭玄下寶

作韋

云祭祀之蔽膝廉按董真卿引作
蒂與釋文不同

朱奕尊亦作蒂

王弼作沛訓

同旆

云猶幔所以禦盛光也
顏達胡瓊蘇軾張浚梁寅同

孔

陸德明曰一作旆

程子曰沛古本有作旆者王弼之解則是旆也朱
震曰古本作旆朱子曰一作旆俞琰曰當從陸作旆

項安世王弼作旆今從之九家作沛非廉按今弼

本作沛吳澄曰旆古通沛毛奇齡曰王注作猶幔

後遂有以旆通姚信作滂沛之沛石介訓如水之沛

沛者終是改字然之沛呂大臨

沛然下雨也趙汝棖同

黃炎宗謂雨甚也 九家大暗謂之沛 虞翻曰日

沛楊萬里同鮮于侁驟明謂沛郭熊過作公羊

雍曰凡偏蔽之象皆曰沛非必幡幔也

傳草棘曰沛之沛

陸時位同言雅亂晦暝之象崔駰
達旨云蟲蚋之趣大沛是也張

慎甫曰沛澤水草所鍾毛奇晁說之近文作肺不
齡曰劉熙云水草相生之名

也 王廩豐盖反又補盖反徐邈普盖反陸德明普貝

反謹案 周易述義沛當作旆 沫子夏今本馬融

班固鄭玄薛虞字林作昧子夏星之小者薛云輔星

書五行志引作昧服虔注云日中而昏也 項安世

曰當從王弼作沫九家作沫非按今弼本作沫與項

說不同釋文字多從 九家虞翻王肅徐邈作沫九家

弼本今釋文亦作沫 斗杓後小星朱震張浚鄭剛中吳澄俞琰毛奇齡同

陸希聲曰沫小星斗之輔星鄭維岳同廉按陸時
位引陸說誤希聲為績 虞翻曰沫小星胡瑗程子
曰微星無名數者鄭汝諧李簡同沫子曰小星王中

子胡炳文林希
元陳仁錫同

王弼作沫訓微昧

云微昧之月 孔穎達陸德明石介

沈該同

蘇軾曰明暗雜也

鮮于侁曰幽暗之謂

郭雍曰隱昧也

趙汝楙曰雨甚而晝昏查慎行

同 張慎甫曰沫水氣溟濛之甚也

黃宗炎曰沫洒面也

言晦冥不知昏且日中始

起櫛沐也先儒以沫同昧俱改經文
又因見斗而指為小星益牽強矣

謹案 周易折

中 周易述義主小星說 肱姚信作股

九四豐其蔀日中見斗過其夷主吉

六五來章有慶譽吉

上六豐其屋蔀其家闕其戶闕其无人三歲不覿凶

屋許慎作豐

大屋也

孟喜作室

晁說之曰室古文

闕姚信作

閱馬融鄭玄如字



艮下
離上

旅小亨旅貞吉

初六旅瑣瑣斯其所取災

瑣瑣陸德明曰悉果反或作璫者非 斯郭京曰當

作衡

王應麟曰王輔嗣注斯賤之役京謂合作衡後漢左雄傳職斯祿簿注云斯賤也不必改衡字

毛奇齡曰衡賤衡養與斯本通字不必改經

王弼作斯賤之斯

言寄旅不

為斯賤之役所取致災

蘇軾曰斯隸也于六二二近于三三之所取也陸時位從王弼云古者析薪

為孔穎達作斯此之斯

程子諸儒俱從之

徐在漢訓斧以斯

之之斯

言斯析也初不勝猥細止非其所而離其所所以取災

作斯其所句取

災

毛竒齡說同云與同行者較量瑣瑣必至分析其所蓋斯本作分析解故說文以斯為分爾雅以

斯為離句法正與屯其膏貴其趾匪其彭同例

謹案

周易折中從王氏說

按風俗通引易曰其亡斯自取蓋節取此文非原文

也

六二旅即次懷其資得童僕貞

陸德明曰一作懷其資斧者非童九家虞翻作僮

李鼎祚同朱震曰一本作僮馮椅曰古僮童通用

九家得僮僕貞句王宗

傅頊安世趙汝楛徐氏王甲子俞琰余芑舒黃宗炎徐在漢同王云程河南朱子發皆得僮僕之忠

貞固无害然虞翻得僮僕貞句王弼孔穎達程子諸儒俱同胡炳文曰

貞字諸家多自作一句本義以連上文

九三旅焚其次喪其童僕貞厲

王弼孔穎達喪其童僕貞句張載程子朱震郤汝諧李簡吳澄陳仁錫張振

同虞翻喪其童僕貞厲句朱子曰貞字連下義諸儒俱同

九四旅于處得其資斧我心不快

資斧子夏傳

今本如字

張軌張晏應劭作齊斧

陸德明曰子夏傳及

衆家並作齊斧張軌云黃鉞斧也張晏曰整齊也應劭曰齊利也讀如齊衰之齊虞喜志林云齊當齊

齋戒入廟而受斧

案漢書王莽遣王尋屯洛陽將發亡其黃鉞其士房揚曰此經所謂喪其齊斧者也

又宋書文帝元嘉二十九年丙申詔書內引易作資斧徐氏曰資齊同音誤作資

虞翻王弼

以資斧為一物

王云斧所除荆棘以安其舍者也李鼎祚孔穎達蘇軾趙彥肅張浚

吳澄同陸希聲云資于斧以斷也劉牧王安石俞琰洪守美林希元同

程子資斧二物

資貨財之資斧器用之利

郭

朱震亦云二物

得其資以

為利得其斧以為斷沈該趙汝楙王宗傳朱子云資
王申子胡炳文陳仁錫陸時位黃宗炎同

斧有作齋斧說毛奇齡曰或謂斧久通即齋糧也非

是

六五射雉一矢亡終以譽命

上九鳥焚其巢旅人先笑後號咷喪牛于易凶

易王肅音亦

餘說見前



巽下
巽上

巽小亨利有攸往利見大人

巽許慎作𨾏

尼說之曰巽古文
𨾏篆文巽俗文

初六進退利武人之貞

九二巽在牀下用史巫紛若吉无咎

九三頻巽吝

六四悔亡田獲三品

九五貞吉悔亡无不利无初有終先庚三日後庚三日

吉

上九巽在牀下喪其資斧貞凶

資斧說見旅卦謹案 周易折中云資斧古本作齊

斧為是

蓋因承旅卦同音而誤也說卦齊乎巽齊斧者所以齊物之斧也

又案 周

易述義資斧為二物

喪其資而不能行喪其斧而不能斷



兌上
兌下

兌亨利貞

初九和兌吉

九二孚兌吉悔亡

六三來兌凶

九四商兌未寧介疾有喜

九五孚于剝有厲

上六引兌

蔣穉生曰引兌下恐脫一凶咎悔吝等字



巽上 坎下

渙亨王假有廟利涉大川利貞

渙歸藏作奐 假荀爽訓大梁武帝音西貝虞翻諸儒

訓至陸德明庚白切

初六用拯馬壯吉

拯見明夷二

伏曼容云濟也
王肅云拔也

孔穎達用拯馬壯

吉

句王安石
劉緯同

胡瑗諸儒用拯

馬壯吉

句按張浚
明夷以

壯吉句
不同

虞翻壯吉下有悔亡字

李鼎祚陸震同
朱震從之

九二渙奔其机悔亡

机虞翻作憑机之机

王弼及胡瑗諸儒同
奇齡曰周禮五几通作机

馮椅

机木名

云說文木也山海經族菌之山多松栢机桓
人困于道途則依木以休息周官五机亦不

從木來知德机木名出蜀中
似榆山海經大堯之山多机

朱升作机

云車中之
机毛奇齡

曰車是軌無通作机者 查慎行同作机云机石經
作机與几同廉按朱氏查氏說本吳澄今觀吳氏易
纂言云車中之机也凡乘安車用机字仍從几並不
從兀 又案時多誤作机者毛奇齡諸本作机非是
李開先作机借云謹案 周易述義云机與几同
人所坐以為安者

六三渙其躬无悔

六四渙其羣元吉渙有丘匪夷所思

丘姚信作近

毛奇齡曰近以丘字下畫通引致誤

夷荀爽作弟

毛奇齡曰形誤

九五渙汗其大號渙王居无咎

查慎行渙汗

句

其大號渙

句

謹案

周易折中號為

呼號之號

云易中號字皆當平聲在常人則是哀痛迫切寫情輸心也在王者則是至誠懇惻

發號施令也

渙王居渙字當一讀

言其大號也如渙汗然

上九渙其血去逖出无咎

王弼孔穎達渙其血 句去逖出

句王安石蘇軾張載朱震項安世王宗傳王申子

吳澄鄭維岳來知德徐在漢洪守美查慎行同朱云先儒俱多以渙血句以象考之當從項安世曰血與出韻叶

翻作渙其血去逖出无咎

程子諸儒同

逖程子云一本作惕

本李衡義海撮要朱子熊良輔胡炳文梁寅陳仁錫朱震同一本作惕以象考之當從逖項安世云不容作惕與小

畜異陳友文云朱子引小畜改惕字未安姚虞翻如字云

辨收作惕誤

陸時位曰本義改逖為惕非

虞翻如字云

憂也 王俞琰曰去遯出三字疑衍 象當依
弼云遠也



兌下
坎上

節亨苦節不可貞

初九不出戶庭无咎

九二不出門庭凶

六三不節若則嗟若无咎

嗟李鼎祚作差

六四安節亨

九五甘節吉往有尚

上六苦節貞凶悔亡



兌下
巽上

中孚豚魚吉利涉大川利貞

豚魚虞翻黃穎作遯魚

李鼎祚云虞仲翔以三至
上體便以豚魚為遯魚鄭

玄荀爽王弼豚魚兩物

荀云艮為山陸豚所處允澤
魚所在王云魚蟲之隱者豚

獸之微賤者

李鼎祚曰坎稱豚巽為李舜臣馮椅
魚孔穎達陸希聲程子朱震諸儒俱同

吳澄豚魚即江豚

李云豚魚出澤上有風之兆吳云
江豚將有南風則口向南有北風

則口向北舟人稱為風信
俗河豚江湖間以為風信
王申子曰毛兼山云即
龍仁夫曰江豚一名鱒

鮪亦取專字之義
淵陸時位徐在漢李開先毛奇齡查慎行同
胡一桂俞琰潘士藻陸銓張振
趙汝

棋曰或為二物或為一物不敢
臆定以義求之當是無知之物

初九虞吉有他不燕

虞胡瑗程子訓虞度之虞
郭子和朱震解于仇朱
張載

訓虞防之虞
呂大臨楊萬
子呂祖謙諸儒俱同
楊慈訓山虞之虞馮椅訓虞

人之虞
云字以羽族乎子為象故取山虞防守山林虞
鳥獸之卵胎 胡一桂云與即鹿无虞並作山

虞訓 吳澄曰如澤之虞人專守其職 徐在漢曰有
物名虞一名固澤時常在澤象主守之官故古以名官

廉按王弼孔穎達訓專陸希聲訓守義與
虞人相同惟荀爽訓安蘇軾訓戒義不同

他本亦作它

毛奇齡曰陸德明
蘇軾作它義同

燕金君卿曰當為變字之誤

言雖有他

來不礙
其志

孔穎達陸希聲訓燕安之燕

程子朱子諸儒俱同馮椅訓

燕雀之燕

言兌之初七月末社燕猶在過此之他社
過則無燕 焦竑曰不燕猶言不乳元鳥

其來主乎
伏不失信也

陸時位曰燕來避戊己春飛冬
徐在漢曰燕仲春至仲秋歸

九二鳴鶴在陰其子和之我有好爵吾與爾靡之

和熊朋來平聲

與陸德明諸儒異

好王肅呼報反

與陸德明諸儒

異案五
喜訓小

爵馮椅訓燕爵之爵

云今人制字為雀古止爵字爵祿之

爵正猶燕安之燕徐在漢曰爵小鳥即其子也

虞翻諸儒作爵位之爵李簡

訓如孟子天爵之爵

李云說者多以好爵為爵位殊失中字之義惟郭子和不安而

以美道釋之

靡京房作劇

本釋文之曰京本作劇

晁說

陸績作緜

本釋

文朱震曰陸作縻績曰即縻字改體

陸

陸德明曰本又作縻干寶同

散也亡也反今釋文誤作縻此本董真卿李過廉按埤雅及王弼字作縻訓散孔穎達云分散而合共之

子夏傳縻

本朱震

宋本如字

郭京作縻

朱子云

靡與縻通

係戀也

吳澄胡炳文梁寅林希元陳仁錫洪守美倪元璐查慎行同按程子字

作靡訓係慕鄭汝諧張振淵同

趙汝楨與縻同

共也

俞琰同

按

共呂大臨王宗傳項安世
李簡陸時位毛奇齡同
張載訓同披靡之靡

云偃也順

從之也
徐在漢
晁說之曰靡糜剝靡糜絃緜七字

並同靡音

云未知古熊朋來云靡即擗字

音靡與六三歌為韻

楊慎云靡音磨與和叶
毛奇齡曰此由不識韻故云

徐邈音武寄反又亡彼

反陸德明亡池反謹案
周易折中好爵旨酒也又

案
周易迷義好爵秉彛之良靡者懿德之好

六三得敵或鼓或罷或泣或歌

罷王肅音皮

李鼎祚吳幼清同董楷云又音皮

徐邈扶彼反

陸德明諸儒如

字

六四月幾望馬匹亡无咎

幾京房作近荀爽作既孟喜一行

本晁說之

作既

孟云十六日也

晁說之曰古文讀近為既詩往近玉舅是也此寔當作既

吳澄幾讀作既陸德

明音機又音祈

九五有孚攣如无咎

上九翰音登于天貞凶



艮下
震上

小過亨利貞可小事不可大事飛鳥遺之音不宜上宜下大吉

過王肅音戈陸德明古卧反 遺查慎行音去聲

俞琰曰大字疑衍云三凶四厲初上不得中而凶未見其為吉之大也

初六飛鳥以凶

六二過其祖過其妣不及其君過其臣无咎

九三弗過防之從或戕之凶

郭雍朱震勿過句防之句從句或戕之句

王宗傳張

沒項安世易核趙彥肅趙汝楫楊啓新王申子李簡
胡一桂吳澄龔煥俞琰梁寅張慎甫楊廷筠陸時位
徐在漢查王弼孔穎達勿過防之句從或戕之句缺
慎行同

子

程子沈該鄭汝諧鮮于侁朱子林希元張清子楊啓
新洪啟初張振淵徐咸清毛奇齡同張振淵曰勿過
防之句則是不知道過為隄防必有從而戕之者作二
句讀則是弗能過于陰則當防之若順從乎陰或有
戕之者前蘇軾勿過防之句從或戕之句缺
解救在戕

諸家又

別謹案周易折中勿過防之句從或戕之句周

易述義弗過防之句從或戕之句

九四无咎勿過過之往厲必戒勿用求貞

陸希聲勿過句過之句往厲句必戒句勿用句永貞

句王安石張浚李簡王申子俞琰張慎甫同
王弼諸儒惟勿過二字聯讀毛奇齡惟勿用永貞二

字
句朱子兩讀勿過句過之句
呂輝錄云小過義不可

過過之弗過過之兩字
毛奇齡弗過過之
句言勿過
也
按本義前說用此
為禮過

六五密雲不雨自我西郊公弋取彼在穴

上六弗遇過之飛鳥離之凶是謂災眚

趙汝楫曰勿遇絕句
儒俱以勿過聯讀
朱子一云勿遇

句見 又云當作勿過遇之 與弗過防之 離虞翻王

弼孔穎達訓離于網羅之離 陸希聲蘇軾呂大臨郭雍朱震楊萬里王宗傳蘭

廷瑞沈該李簡吳澄余芑舒俞琰鄭申甫倪元璐陸時位查慎行同吳余云如鴻則離之離查云去聲如

離于 王昭素離羣失侶之離 趙汝 胡瑗遠離之離

程子朱子馮椅王中子蔡氏胡一桂張寅陳仁錫同 謹案 周易述義離謂兩

翰相麗而飛

☲ 離下
坎上

既濟亨小利貞初吉終亂

亨小胡瑗云當作小亨

味本義從之 胡炳文俞琰 梁寅蔡清林希元陸銓洪原

洪啓初同虞翻亨小

白孔穎達陸德明程子俱同

郭雍云小字衍

云因未濟

亨下有小字故亦誤書於此孔子彖言小者亨也乃孔子之詞既濟亨為文王詞

利貞陸

德明曰作小利貞者非毛奇齡作亨小利貞

白云虞翻誤

亨小作白朱子遂改作小亨張杉嘗曰既濟亨小未濟亦亨小幸而孤汔濟不可句耳查慎行作小利貞句云當依程傳案程傳去小字在下語當然也正釋亨小非謂以小連利貞句也查氏誤

初九曳其輪濡其尾无咎

六二婦喪其茀勿逐七日得

弟子夏

今本如字

虞翻王肅作髻

虞云坎為玄雲故稱髻髻髮謂鬢髮也婦人首

飾或作髻俗說以髻為婦人蔽膝之髻非也王云髻首飾

李鼎祚作髻

毛奇齡曰髻髻通

孟喜

一行作髻

本晁說之

荀爽作紱

晁說之曰髻古文紱也毛奇齡曰此由髻誤帶

董遇作髻

項安世云古易帶作髻

王弼所注必本此也朱彛尊引誤作筭

馬融作

笄

首飾也

王弼孔穎達陸德明鄭汝諧同

鄭玄作笄

車蔽也

王安石蘇軾程子朱震朱

子諸儒同以朝是也

王申子馮椅李舜臣熊良輔同俞琰曰爾趙汝楙曰婦人自蔽以行者所謂翟笄

雅與革後謂之笄與詩碩人之翟笄韓奕篇之簪笄皆是也毛奇齡曰或以車笄為解笄原可通笄然漢

晉前諸儒无以笄為車笄者

干寶作笄

馬髻

謹案周易述義訓

翟第

九三高宗伐鬼方三年克之小人勿用

六四繻有衣袽終日戒

繻子夏作縹

薛虞曰縹古文作縹

王廙許慎作

需王弼曰繻宜作濡

孔穎達同言濡漏則有衣袽也蘇軾程子龔原皆云繻作濡沈

該王宗傳朱子鄭汝諧胡炳文俞琰梁寅林希元洪啓初黃葵峰張振淵同陸特位曰古文濡今文誤作繻毛奇齡曰輔嗣猶是漢晉師承有據之言需濡便文若作衣與濟義不合陸希聲曰

亦作襦

飾之盛也言盛飾而衣有弊袽終日戒之不足為醜廉按頃安世引子夏傳作襦短衣也

言一襦足矣而又衣以表其外有初
以實其內可以無慮矣陳仁錫作襦
鄭玄虞翻王

肅作縐盧氏云縐者布帛端未之識也劉牧縐細密
羅衣之上宜如縵初石介言服之鮮美有

時而與吳澄縐帛之未成衣者初衣之已成而與
既濟之半縐之必為衣也白縐者鮮美之裳在下

喻文王初者與壞之衣在上喻紂文王終日戒懼
朱震曰縐裳也郭雍縐繪彩謂勿以新而忘與初

蔡氏曰熊良輔從郭蔡說焦竑同趙汝楛曰縐者已
裂之帛以之塞隙不若故絮之固倪元璐訓縐同趙

雷思曰縐與衣
初皆禦寒之具
初京房許慎作絮許云縐也一
曰散絮廣

唯云絮塞也
晁說之曰近文絮作
初又作絮通用
毛奇齡引京作絮
子夏作茹
如字

虞翻王肅作初
也他說見上

九五東鄰殺牛不如西鄰之禴祭實受其福

禴杜鄴作淪

見前漢書郊祀志顏師古注曰淪祭謂淪煮新茶以祭紂之牛性不如文王之

禴王充引易作淪 鄭玄如字

王弼云薄祭

上六濡其首厲



坎下 離上

未濟亨小狐汔濟濡其尾无攸利

汔程子云當作仡

壯勇之狀張振淵汔為勇

鄭汝諧從之毛奇齡曰汔幾

梁寅

也王注必剛健拔難然後能濟此稍有以汔為畢力之義然未嘗明曰當為仡也程傳改作仡則失漢儒

注書義矣 按鄭玄訓幾諸儒
從之說文沆水澗也惟蘇軾同
史記引作狐涉水濡

其尾

春申君傳

初六濡其尾吝

九二曳其輪貞吉

六三未濟征凶利涉大川

趙彥肅朱子疑作不利涉大川

劉彌邵曰此二句文義相背本義疑有不

字為得之

李心傳馮椅胡炳文俞琰蔡清同

按

熊良輔曰不從此說言徒涉則凶舟涉則利

林希

元可以水浮不可
陸走亦无不通

李本增作不利涉大川

毛奇齡曰觀朱子之

說亦意及之耳李遂
增一不字殊非闕疑

九四貞吉悔亡震用伐鬼方三年有賞于大國

晁說之曰震漢名臣奏作祇

孟喜京房虞
翻云震敬也

六五貞吉无悔君子之光有孚吉

上九有孚于飲酒无咎濡其首有孚失是

周易章句證異卷二

欽定四庫全書

經部

周易章句證異卷

三至六

詳校官給事中臣丁雲錦

通政使司副使臣吳瞻萊覆勘

總校官進士臣朱 銓

校對官編修臣李學錦

謄錄監生臣黃敏修

欽定四庫全書

周易章句證異卷三

內閣中書翟均廉撰

彖上傳

鄭玄合彖傳於經置爻詞後大象前

本溥于後吳仁傑語廉案石介

稱孔子作彖傳於六爻之前說與此異

王弼自坤以下彖傳置卦詞後

大象前

陸德明孔穎達李鼎祚蘇軾張子從之宋子夏傳朱震李衡張浚鄭汝諧項安世王

宗傳趙彥肅王申子李簡董楷同周燔彖傳置卦詞後又詞前文低一字趙汝楛置卦詞後爻詞前

乾坤二卦置文言前
李過方逢辰置卦詞後
大象前乾坤二卦置文言釋彖處前
董真卿以彖傳置

大象後胡旦復出彖傳亦為一篇
次一邵子晁說
小象前胡旦復出彖傳亦為一篇
之次第二以卦爻

為第文低一字
胡瑗分上彖下彖為二篇
上彖次
吳仁傑作彖傳一
胡瑗分上彖下彖為二篇
一呂

大防連二經上彖次三文低一字
程迥作彖上一
呂祖謙作彖上傳次第一朱子從之
稅與權吳

澄胡炳文胡一桂熊良輔梁
寅諸儒同俞琰彖傳上一
王洙以彖傳為彖詞次

第二廉案洙惟以爻詞為經卦詞別為一篇次
第一葉適為即藝文志所謂古易十二篇鄭厚

無彖傳
云後人所作

大哉乾元萬物資始乃統天

鄭玄以下附彖傳於經者加彖曰字 馮椅商飛卿

改為贊曰趙汝楛无彖曰字

直接卦詞

雲行雨施品物流形

大明終始六位時成時乘六龍以御天

吳澄以大明終始三句移萬國咸寧之後

謂首出二句言聖人

之元亨大明三句言聖人之利貞舊本錯簡在品物流形之下今正之 徐在漢曰古文

大明終始節在乃利貞後首出庶物前

陸時位云此照古本漢後

儒將大明節挿入乾道節前以贖亂真 毛奇齡曰偽古本乃利貞後謬

乾道變化各正性命保合太和乃利貞

首出庶物萬國咸寧

至哉坤元萬物資生乃順承天

坤厚載物德合无疆含弘光大品物咸亨

牝馬地類行地无疆柔順利貞君子攸行

先迷失道後順得常西南得朋乃與類行東北喪朋乃
終有慶

安貞之吉應地无疆

屯剛柔始交而難生

動乎險中大亨貞

險毛奇齡云漢劉修碑作儉字形之通

陸時位以大亨

貞雷雨之動滿盈為一節云先儒以大亨係上動乎險中不可為大亨

雷雨之動滿盈天造草昧宜建侯而不寧

盈荀爽虞翻李鼎祚作形廉案今李本作盈陸時位以天

造草昧為一節云先儒以雷雨之動句屬利建侯大是可商而鄭玄讀曰

能能猶安也廉案孔穎達禮運疏云古之能字皆作耐字音來能字乃假借鼈三足為能後

世傳書世異耐字恣作能字惟耐以天下為一家及人不耐無樂仍耐字亦有誤不安寸直作而者則易屯彖云利建侯而不寧是也據此則耐不寧孔氏亦作能不寧解不知周易正義何以仍作而字解

蒙山下有險險而止蒙

明晉府古本止上有能字

張元冲傳

蒙亨以亨行時中也匪我求童蒙童蒙求我志應也初

筮告以剛中也再三瀆瀆則不告瀆蒙也蒙以養正

聖功也

明晉府本無以亨二字

張冲元傳 俞琰曰 或云亨行二字姜文

陸德

明曰一作童蒙來求我

晁說之曰非廉按陸德明所云疑是王注中語

需須也險在前也剛健而不陷其義不困窮矣

需有孚光亨貞吉位乎天位以正中也利涉大川往有功也

位乎之位鄭玄讀曰涖 毛奇齡曰石經作位于

訟上剛下險險而健訟

朱子曰訟上剛下險屬上句險而健訟屬下句俞琰

曰健字句絕或以健訟相連誤矣

訟有孚窒惕中吉剛來而得中也終凶訟不可成也利見大人尚正中也不利涉大川入于淵也

師衆也貞正也能以衆正可以王矣

剛中而應行險而順以此毒天下而民從之吉又何咎矣

比吉也

郭京曰比吉下誤增也字

凡彖傳先舉彖詞後以義結彖辭無也字王昭素

曰多也字項安世從之

朱子本義曰比吉也三字疑衍文

胡炳文從

梁寅叅義
不從本義

又語錄曰也字羨

熊良輔從之毛奇齡曰朱子非是

陳仁

錫本刪比吉也三字謹案

周易述義有比吉也三

字

王弼孔穎達張子程子蘇軾楊時朱震楊萬里張浚李衡諸儒俱有也字

按釋文引子

夏傳云地得水而柔水得地而流故曰比三句今宋本無此不知何屬

比輔也下順從也

原筮元永貞无咎以剛中也不寧方來上下應也後夫

凶其道窮也

小畜柔得位而上下應之曰小畜

健而巽剛中而志行乃亨

密雲不雨尚往也自我西郊施未行也

履柔履剛也

說而應乎乾是以履虎尾不咥人亨

剛中正履帝位而不疚光明也

疚陸績作疾

毛奇齡曰
疚疾形誤

陸時位曰此節係文言危者

安其位章後人附入於此

云古本
可證

泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也

否之匪人不利君子貞大往小來則是天地不交而萬物不通也上下不交而天下無邦也內陰而外陽內柔而外剛內小人而外君子小人道長君子道消也

吳澄作否不利君子貞三字

去之匪人三字舊本因經文衍而誤增也

同人柔得位得中而應乎乾曰同人

同人曰

王昭素同人曰三字錯

鬼說之曰虞翻輩諸儒无一人為之說者特王弼失之耳

胡瑗云三字衍

程子朱子從之楷胡炳文同

張慎甫曰同人曰三

字非衍

查慎行同

吳澄刪同人曰三字

朱升陳仁錫同毛竒齡曰大繆

案王弼非二所能乾之所行故特曰同人曰孔穎達曰猶言同人卦曰也趙汝楙諸儒同

同人于野亨利涉大川乾行也文明以健中正而應

君子正也唯君子為能通天下之志

大有柔得尊位大中而上下應之曰大有

其德剛健而文明應乎天而時行是以元亨

謙亨天道下濟而光明地道卑而上行

天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可喻君子之終也

虧馬融作毀 福京房作富

豫剛應而志行順以動豫

豫順以動故天地如之而况建侯行師乎

天地以順動故日月不過而四時不忒聖人以順動則

刑罰清而民服豫之時義大矣哉

忒京房作貸

惠棟作貳

云貳與
貸通

隨剛來而下柔動而說隨

大亨貞无咎而天下隨時

荀爽作大亨利貞

陸德明曰正義作大亨利貞
郭京曰大亨下脫利字

虞翻

蜀才王弼作隨時

陸德明曰正義作大亨利貞
安石蘇軾程子郭忠孝郭雍呂大

臨楊時楊萬里朱震李衡王宗傳張浚趙彥肅鄭汝
諧王逢呂祖謙趙汝棣蔡淵從之李簡梁寅陳仁

錫鄭申甫陸敬臻陸時位張振淵徐在漢洪原毛奇
齡同查慎行曰本義從王肅本大象注亦云隨時

休息此處似不當改

王肅陸續作隨之

胡旦曰篆字之為止時為皆轉隸者增日為時

王昭素曰舊本無此而字有之字晁說之從其說

朱子本義亦從王肅邱富國胡炳文吳澄胡一桂

俞琰林希元洪守美洪啟初同項安世曰此則上

時字為聲之誤下時字為字之倒也或曰古時字從

之故之時二字易雜

然則皆字之誤也

惠棟改作隨之

隨時之義大矣哉

諸說見上

趙汝楛曰先儒或改作隨之時義他卦云時義者指其時與義則時義為兩事也今

云隨時之義謂所隨者時其義甚大則時義為一事聖人變文以明理勿改可也俞琰曰時之當作之

時豫遊姤旅四卦例則之時倒為時之蓋由上文之誤而誤也

蠱剛上而柔下巽而止蠱

蠱元亨而天下治也利涉大川往有事也先甲三日後甲三日終則有始天行也

臨剛浸而長

說而順剛中而應

大亨以正天之道也

至於八月有凶消不久也

大觀在上順而巽中正以觀天下

觀字說見彖詞 觀天下之下郭京曰脫是以亨三字

觀盥而不薦有孚顒若下觀而化也

觀而不薦說見彖詞

惠棟作觀盥而不觀薦

觀天之神道而四時不忒聖人以神道設教而天下服矣

毛奇齡曰王弼以觀字句

查慎行曰觀字句為句不當連天之神道讀

陸德明作聖人神道設教無以字

晁說之曰古本無以字 呂祖謙曰

今本有以字

惠棟去以字

陸時位曰此節古本在文言中後

人誤入彖傳

頤中有物曰噬嗑

噬嗑而亨剛柔分動而明雷電合而章柔得中而上行
雖不當位利用獄也

王弼讀剛柔分動而明

句毛奇齡曰大謬

孔穎達剛柔分

句

賁亨

朱子曰亨字疑衍

吳澄刪去亨字

陸時位曰亨不是衍字

合下故小利有攸往為一節

柔來而文剛故亨分剛上而文柔故小利有攸往天文也

馬椅作柔來而文剛故亨小分剛上而文柔故利有

攸往 郭京曰天文上脫剛柔交錯一句

徐氏說同王昭素

胡瑗朱子從之 石介程子諸儒俱不從

張吳澄

增剛柔交錯四字

云王弼注天文也三字自為一節不與上文連而注云剛柔交錯而

成·天文則疑若當時此四字未遺脫然今從胡氏說則補之

陸時位于天文也上

加四口口口口以化成天下合為一節云在文言中

後人附入彖傳

云古本天文也上加四口想脫四字先儒以剛柔交錯代之理亦近是

文明以止人文也

觀乎天文以察時變觀乎人文以成化天下

剝剝也柔變剛也

京房作剝落也

云脫落字毛奇齡云繆

不利有攸往小人長也順而止之觀象也君子尚消息

盈虛天行也

趙汝楛曰陸德明作順而止无之字

廉按陸氏釋文有之字

陸時位以順而止四句別為一節云古本在文言下

後人附入彖傳

復亨剛反

動而以順行是以出入无疾朋來无咎

虞翻王弼孔穎達讀剛反動而以順行

句惠棟毛奇齡同

陸德明曰剛反絕句

程子朱子諸儒從之

郭京曰剛反下有

也字吳澄增也字朱升同

毛奇齡曰剛反動而連下至順行七字漢魏讀皆如

此後儒以此作句本屬杜撰而朱升旁注竟增也字彼亦以世無剛反句也然增字則益妄矣

反復其道七日來復天行也

利有攸往剛長也

復其見天地之心乎

无妄剛自外來而為主于內動而健剛中而應大亨以正天之命也其匪正有眚不利有攸往无妄之往何之矣天命不佑行矣哉

郭京作動而愈健

云脱愈字

佑馬融作右謂天不右行

李鼎祚作右引虞翻曰右助也馬君
云天命不右行非矣 晁說之曰馬非

陸德明曰

本又作祐

呂祖謙曰
今本作祐

大畜剛健篤實輝光日新其德

鄭玄虞翻管輅篤實

白輝光日新

白其德剛上而尚

賢

白崔憬本毛李鼎祚惠棟同
云日新俗讀屬下失之

陸德明大畜剛健

白

篤寔輝光

白日新其德

白王弼諸儒以剛健篤寔

白

輝光日新其德

白毛奇齡曰鄭玄諸儒皆以篤實白
輝光日新白李氏集解亦以此章

惟王弼本以其德章
白而宋人宗之非是

輝陸德明李鼎祚作輝

惠棟

剛上而尚賢能止健大正也

能止健虞翻作健止

云舊讀能止健誤也

李鼎祚

合彖

傳例

不家食吉養賢也

利涉大川應乎天也

頤貞吉養正則吉也觀頤觀其所養也自求口實觀其
自養也

天地養萬物聖人養賢以及萬民頤之時大矣哉

大過大者過也

棟橈本末弱也

弱陸德明曰本亦作溺

晁說之曰溺
古文弱字

大過之時大矣哉

習坎重險也

水流而不盈行險而不失其信

維心亨乃以剛中也行有尚往有功也

天險不可升也地險山川丘陵也王公設險以守其國

險之時用大矣哉

國虞翻李鼎祚作邦

惠棟同 云舊作國尋邦與升陵韻洪避諱改為國虞氏本正

作邦也

離麗也日月麗乎天百穀草木麗乎土重明以麗乎正

乃化成天下

麗乎土許慎作麗於地

顧野王引作麗乎地云麗附著也本亦作麗 晁說之曰

麗篆文麗別篆文

土虞翻王肅李鼎祚作地

晁說之曰一行作地 惠棟

同

陸時位以柔麗乎中正三句屬離麗也下

云照古本

今本改竄失其義矣 毛竒齡曰張氏玩辭以離麗也三句後接日月麗乎天四句似較諸卦辭例相合
當備
參考

柔麗乎中正故亨是以畜牝牛吉也

周易章句證異卷三